

Supervizor za Brcko, Henry L. Clarke, obustavlja privatizaciju u Brcko Distriktu

Supervizor za Brčko Distrikt, Henry Clarke, je danas, 14. kolovoza 2001. godine, izdao Nalog kojim se obustavljaju sve aktivnosti vezane za privatizaciju koju su entiteti vršili u Brčko Distriktu, i proglašavaju nevažećim sve aktivnosti entiteta poduzete do sada u vezi privatizacije na području Distrikta. Supervizor je smatrao izdavanje Naloga neophodnim kako bi zaštitio interes Brčko Distrikta od stalnog kršenja Konačne odluke i prethodnih supervizorovih Naloga o privatizaciji, od strane vlasti Republike Srpske.

Na početku ove godine, supervizor je razvio program privatizacije Brčko Distrikta uzimajući u obzir i interes entiteta. Prema datom planu, poduzeća od strateškog značaja za ekonomski razvoj Brčko Distrikta biti će privatizirana novčanim tenderom dok će se najviše 33% kapitala ovih poduzeća moći privatizirati putem vaučera. Ostala poduzeća sa sjedištem u Distriktu biti će privatizirana od strane entiteta prema entitetskim zakonima ali uzimajući u obzir interes Distrikta.

Uprkos stalnim nastojanjima supervizora, u mjesecima koji su uslijedili, Republika Srpska je nastavila da sprovodi svoj program privatizacije na području Distrikta u suprotnosti sa planom supervizora i Konačnom odlukom, ne konsultirajući niti čak informirajući Distrikt o tome. U tom smislu, registracija vaučera za strateška poduzeća nije prilagođena programu privatizacije Distrikta; nimenovani su članovi u upravnim odborima poduzeća sa sjedištem u Distriktu; raspisani su tenderi i obavljene su najmanje dvije licitacije koje su

rezultirale prodajom poduzeća sa sjedištem u Distriktu. Supervizor je sada proglašio nevažećim sve ovakve aktivnosti.

Privatizacija poduzeća u Distriktu je od presudnog značaja za zdravu ekonomiju Distrikta i nastavit će se pod vodstvom Ureda za privatizaciju Brčko Distrikta. OHR-Sjever će i dalje tražiti kvalifikovane strateške partnere među lokalnim i inozemnim firmama. Za razliku od mjera koje je poduzela Republika Srpska, ovaj proces će biti pošten, transparentan i otvoren za učešće svim stanovnicima Distrikta.